



Regd.No.19134/88 <http://www.kbc.org.in> NAI/220/99
No-G-4/Regd.Magazine/KBCThuso/MNP-81

KBC|THUSO

Kum 54 Ihinna

Lhaphul/May 2017

so457

JUNE EVENTS

PENTECOST DAY -04
ENVIRONMENT DAY - 11
PATE NIKHO-18

MAY LHA THUPI

NUTE MOPOH NA



spring semester

GRADUATION DAY

"Kapa theng, ini pumkhat ihi bang a amaho jong
pumkhat ahitheina ding un, Nangman amahohi hong in"

John. 17:11



Head office
opp. DM College
Imphal



www.kbc.org.in



kbcindia@rediffmail.com
mail@kbc.org.in



**Youth Department in FLEX Machine kichodoh chu General Secretary pa
Rev. Ngamjapao Haokip in thenso na anei tai.**



**Gambih No. 16 Men Department
One Day Seminar**

CONTENTS

THUMAKAI HO

1. Editorial/Numei te dinmun	1
2. Nu manlut dan /Lhingjanem Haokip	4
3. Lhaitet golseh/Rev. Paojangam Haokip	6
4. Christian Sumkolvei/Rev. Tongmang Haokip	10
5. Mission Column	16
6. Men Column	21
7. Women Column	23
8. Youth Column	26
9. STS Column	31
10. Report/Hetsah	33-34

EDITORIAL BOARD

Chairman	: Rev. Dr. Hawlngam Haokip, President KBC
Editor	: Rev. Ngamjapao Haokip, General Secretary
Joint Editor	: Rev. Henjalen Dounge
Contributing Editors	: 1. Rev. Letpu Kipgen 2. Rev. Onthang Haokip 3. Rev. Kaikhokam Chongloi 4. Pastor Paokhohao Haokip 5. Pastor Satminlen Khongsai
Cir. Manager	: Ms. Lhingjanem Haokip
Design & Layout	: Hemkholen Haokip

THUSO LAHMAN

Church/Organisation/ DepartmentRs. 300/-
IndividualRs. 200/- (Post a Rs. 250/-)

Indian Overseas Bank, Imphal Branch

A/c No. 073201000000350 IFSC No. IOBA0000732

The General Secretary,
Kuki Baptist Convention,
Opp. DM College, Imphal 795001, Manipur
email: kbcindia@rediffmail.com

Advertisement bolnom hon Mobile No. 9612817768 Contact thei.
Circulation to kisai lam Mobile No. 9862633173 bol ding.



NUMEI TE DIN MUN:

Editorial

(Text. 1Tim.2:6-13; 1pet.2:5,6)

Thumakai : Semtilin Pathen in thil imacha umlouvin,
Ama chamtah in Van le leiset ahinsem in ahi. Chuin
Pathen in "khovah" (light) ahinsem in ahi. Ajeh chu
van le leiset chu alim le agong bei ahi nalaijin ahi.
Aban in khovah leh muthim ahin sepkhen tan ahi.
Hichun muthim chu "Jan" (night) asah in, khovah chu
"sun" (day) asah tan ahi. Pathen thilsem hohi ivet leh
kopni or toni "duet" chule ahoi ahoilou, (Negative,
positive) kiti aum cheh in ahi. Eg; Numei pasal, Anu
achal, Atah alhem, khovah, muthim etc, kitihi Pathen
thilsem tilla patna ama ideology khat hi aum in ahi ti
akimu in ahi. Numei te din mun chomchan anoija hin
nana vekhom kit'u hiute.

Traditional conception

1. Jews conception of women:
Hiche Jews conception kitihi
tukhanga eiho concept toh kitoh
lou lung gel leh chon dan ho chu

ahi. Ajeh chu Jews ho chun numei ho chu mi kisim na a ana pan sah lou'u ahi. Numei ho chu insung thilkeu lah a kihou theipipen ahi- uve anatiu ahi. Ima lam jousea notthap a ana koi jengu ahi. Sakta movement in hitin aseijin ahi, "woman and animals were made for use of sacrifice," atin ahi. Muslim hon numei agel dan chu, numei ho chun atahsa pumpi chu hoitah a pon na akitom diu chu amaho hou lekhabu a jong um ahi, "woman should vile their body fully, for good women are for good men," (Quaran.24:23-26).

2. NT. Conception of women: New Testament lam ivet leh Jews hon a concept u anei jing jeng vang'un, Paul lung gel leh Gospel thu alhangsap na a numei hohi aman missionary na atoh na a kithopi phatah in anei jin ahi. Chule aman numei ho nasatah in apahchan chule adomsang in ahi. Jesu ama tah in jong numei ho ana thepon ahi. Jesu chungahin numei hon thilpha tamtah ana bolnao akimun ahi, eg; Marthan Betheny khoa chun Jesu chu thao namtwi akeng a ana nun chu in asam in ana theh peh in ahi, (John.12: 1-8). Hichun avetsah chu numei ho jong chu huhhing na thua ima pampai jin aum tapouve ti akimun ahi.

3. Universal conception of women: Tulaija vannojijin numei ho hi iti agel tah'u vem, alhangpin tulaijin ivet leh Gam jousea hin numei hohi chamlhat na nasatah in akipe tan ahi. Thep jilna lam pang hihen, sports lam hileh alhangpin numei le pasal ima akikheh na aum bep tapon ahi ti thei ahitai.

Kivon dan (dress) jeng a jong pasal ho sangin numei ho akivon dan'u amelse jon/ amai ngaljo un ahiuve. Ama vang chung a i-Bible Text chu ivet leh koima achona ding kal'a achon lou na ding in thuhilna hoitah aum in ahi. Numeiho chu achon na ding dol in chon u hen, akijepna ding dol bep cha in kijem u hen, 1999, kum in Indian supreme Court in jong ordered khat aso nao ah chun hitin aseijun ahi, "the mothers are gives equality right with the husbands," ati un ahi.

Achainan : Mihem jat chomchom nam chomchom chule chon dan chom chom kinei jongle numei chu Pathen thilsem'a anemjo (Low) a kiseum ahi ti ahi, Bible a proved umsa ahitai. Ajeh chu Pathen in Gen.1:26, ah chun "Eihon eiho lim hin eiho tobang mihem sem uhiutin," vs.27, a chun Pathen in Ama lim mong mongin mihem chu asem tai". Chujouvin Gen.2:18, 21-22, a chun mihempa kithopi ding le aki ang-ngat pi dingin numei nu chu pasal pa nahgua konin ahin sem tan ahi. Ipi chu kisei leh numei chun a insunga ajipa thunoija nemheu cha aum a Pathen ging geh cha a aum ding chu Pathen thu toh kitoh pen ahi. Atoh na jousea, achen a jousea chule um chan khan chan na Pathen thu toh kitoh'a hinkho aman ding chu ahipen in ahi. Sarah jeng jong chun a in-neipu Abraham chu Pakai tia athua ana nung ahi, (1pet.3:6). Pathen in nute jouse nu kitah, nu jen ngai, a in neipu thunoija nem heu cha a hinkho mang cheh chule taona a pan la a Pathen lam galdot jing nute hi dingin ikihou lim nao athu phat thei iboh peh taohen, Amen.

Nu manlut dan

Text : Prov. 31 : 28 & 29 (Key Verse)

*Ms Lhingjanem Haokip
Women Secretary, KBC*

SERMON

Amasan muntin'a Houbung mitheng te jouse nabon chaovin Nute nikho Salaam kahin pecheh uve. Pathenin tukum 2017 Nute nikho jong eimusah kit taovin Pa Pathen min thangvah ute. Ningkum 2016 Nute Nikho kiman jou a pat tuni chan hin Minu tamtah in thina lhanmol eilepsan ta jong ule ahing nalai chengin tukum Nute Nikho iman thei kit u hi iti kipa uma hitam I Pau Pathen min chu choiat in umjing taken .

Tunia thupi dinga hung kipe'Nu'manlut dan / manlut na ti thuchenga kon'a ikihou lim diuvin kanome'NU' kiti thuchenghi alen aneo kamsung soh thucheng kiha man pen ahi. Vetsahnan, dammo veiset ni teng jongle I nu akiha koupenin ahi. Mipa ho jeng jong insung ahung lut tih tih ule nanu la ti chu amasapen ahijenge. I Bible Text uva veleu hen, ipu-u Solomon hin Numei jipha Pakai ging jing nu manlut dan hiche lai changa hin aseidoh in ahi. Nupha chu ainneipun jong kison nan aneijin achaten jong lungmon nan aneije ti chang nunung lam a hin ahin seidoh in ahi. Ji sangkhat ananei vang hin minu mantam na le aman lutdan hi amudoh na analhom lleh e ti akimu theije.

Insunga minu ichan'a thupi le poimo hitam, Nu kiti thucheng sehseh jeng jong hin lungthim choldam na apejouvin ahi, Tehse hon Nu umlouna insung chu alhongnoi uva jong ahcha jeng jong akichep noppoi anatiuvin ahi. Minute hin chate le a insung gelkhoh na jeh in genthei

hahsat na jeng jong athoh ding akhohsah pouve. Nun achate lamlah ahetchep in, lamdih lam ajot theina diu akhohsah peh e. Nun achate ichan'a akhoh sah ham ti thusim chom cha seijute. Khokhat a Meithaipi khat in achapa kom'a Boipu inchen khosah napa la aum tapon ikitho

ding, nang tilou kinepna ding dang kanei poi Boi atin ahile. Achapa hin anu thu mong mong angaipon dongma ahin neitan, adongma nun alung gel ahethdoh nom jeh in nei ngai lut le nanu lol hin tan inlang alu kakom'a hinchoijin atin ahile. Achapan jong jan anu imut kah in alol atan in anu luchang chu kong khat a adongma nu kom'a ahin choitan ahile khao guija aki-pal in akisep lhun anu luchang chu tolla akhehsah in ahile anu luchang chu ahung paodoh in Boi nakisuh khah lou hi nam ahintin ahi. Hiche in avetsah chu minu ten achate alungset na hi hinlai sung ding jenga ahipon, ama thinung chan geija dingin achate genthei ding agel thei pouve ti akimu theije.

Hijeh chun 'Nu' manlut dan le amantam dan hi athah a igeldoh kit diuvn ikitiemuve. Nangdinga nanu chu na ipi ham ? ti chu mi bang khat in nun ichan geija angailut a adinga ichan a genthei ham ti hepha lou mi tamtah aumkhaji in, hijeh chun nangin nanu chu nanga dinga amanlut dan le amantam dan nagel doh nai lou lai ahileh kigel phat ngai kasa e. Ajeh chu nu alhasam pen a kigel jonghi aumlou leh inchen boijeng ahi ti suhmil louvin

aphai. Vetsah na dingin insunga numei thu kilah na lou behseh le numei ija kiselou na behseh insung ho jeng jong hi insung khangtou le insung nom anahi deh jipoi. Numei chu alhasam ding mong ahi, hijongle William Booth Salvation Army hinphut dohpan bon ajinu thinin along-chunga "Kajinu hi kum 40 sung kaki chen na lhon a hin, nisa noiya thinglim banga eilea pang, ajipa lungdon na tosa khah ngailou, phat nale ngailut na a dim, kidou lai gal hangpen ahi" atin ahi Chutabang chun damlai nikhon jong kiki pahcha thei cheh le ichan geijin inchen khosah anom tadem? Christian khat hina a hin insung kikhah a jong ahiti akhati kiti tosaingin kikipah cha to thei hen lang kiki tosot to thei leh ichan in khantou nale machal na ahidem ? Chuti ahijeh chun ngailut umtah sopi teho insunga 'Nu' manlut na le aman tam napa geldoh in, Nun jong Pathenin insung pumpia dinga lungmon na le kingai na theija eisem ahi ti gel doh in insung nom Pathen chen na thei insung semdoh dingin kigocheh ute Pakai min a ikitiem u ahi.

Pathenin asim jouse phat thei boh cheh taken. Kakipah e.

LHAITET GOLSEH

I Cor. 9:24-26; Heb. 12:1.

*Rev. Paojangam Haokip
Pastor, KBC No.1.*

Sermon

Introduction:

Chuti ahijeh chun ... imasangva um kilhai tetna lampia hin thohhat tah in lhajiu hite (Heb.12:1).

Vannoiija kichep golseh lama aloupipen le alenpen na kihe ho chu World Olympic, World Cup-Soccer kiti ho hi ahi. Olympic game a chun gam (country) 205 tobangan pan alan ahi.

Hiche kichepna jatchom chom kibol nah-a hin kilhai tetna (Race) jong hi main events khat ahi. 2008 Beijing Olympic-a chun 100 m Race kitetna a chun Usain Bolt kiti kum 21 a upa Jamaica mi amahin 100 m chu 9.69 sec. sungin alhai lhungin vannoiija alhai hatpen (fastest man on Earth) hina Medal akisan tan ahi. Chule Michael Phelps USA gammi ama jong hin twijap (Swimming) in Gold Medal 7 amun Olympic khatna Gold mutampen anahi.

Lhaitet golseh kiti hi leiset mi-hem te dinga masanglai khang hihen tukhang hijong leh ak-ingai sangpen tah khat chu ahi. Vetsahna ding chun; Masanglai Greek te phat lai in jong Golseh anabollun - Athen khopia chun Olympic ana kipandoh in ahi.

Leiset chungah lhaitet golseh ibol banguva hi lhagao hinkho-a kilhai tetna jong um ahi. Lhagao hinkho kilhai tetna hi lhaitetna dang dang sanga thupi jo ahin, Olympic kilhai tetna ho sanga jong thupi jo ahi. Hiche kilhai tetna chu ahi. Bible sunga kil-

haitetna kisei chu.

Solchah Paul jonghi kichep golseh lam'a hi thanom tah le lunglut tah hidingin ginchat a ume. Ajeh chu - "Golseh phatah kaseh joutai chule kilhaitetna kachaitai: (2 Tim.4:7) ti hohi aseijin ahi.

Masanglai (Ancient) Olympic ho-a hi jona changho chu hat manna Olive thingna anapejirove. Tulai jin vang, ahatpen ho chu; Gold, Silver, Bronze Medal ho apeovin ahi. Chule agam Govt. in jong sum (money) tamtah tah apejiuvin ahi. Vetsahna dingho:

India Gold hinmu Abinav Bindra chu India Govt. in 50 Lacs apen Punjab Govt. in 1 Crore apen ahi. Chule 2012 Olympic chun Mary Kom in Bronze amun India le State in 50 Lacs apen ahi. Gam leiset jong, National Games Village munnah 10 acres apeove.

Leisetna Sports kibol hohin avetsah chu Lhagaova jong lhaitet golseh-a lhai cheh ihiove ti melchihna chu ahi. Eiho ibonchaova pangcheh ihiovin achaina line (finishing line) lhungding kon cha ihitaove koichu koi hita jeng jongleh nikho khat le hiche finishing line chu ipal gal kai soh keidio ahi, ahin hichu napal tan jou teng chuleh lampi ni ana umding lampi khat chu Vangam jotna hintin, adang khat kit chu dammun meidil jotna lampi hiding ahi. Hoijoh-a chu na che ding ham ? nangma dei dei nakilhen ding.

1. KICHEP GOLSEH HIN ABIMUN ANEIJIE:

Football kichepna a abimun (goal) chu goal post ni kitunga asunga pehlut ding chu ahi. Chule Basket ball a chu basket sunga ball selut'a point lah chu ahi. Kilhai tetna (Race) a goal chu finishing line kal lhah ding chu ahi. Lhagao hinkho a i-goal'u/abimun chu ipi ham itileh imasanguva um vangam lut ding chu ahi. Paul in hitin aseije, "Jesu Christa-a Pathen kouna sanglama hatman sanna

dinga abimun chu hadella del kahi" (Phil.3:14) ati. Ahin vangset umtah khat chu mitamtah hin a goal post mun hoilaiya umham ? ticha heloulai atam lheh jengin ahi. St. Paul chun, "Golseh phatah chu kaseh joutai, kilhaitetna chu kachai tai, tahsan chu kamolso tai (2 Tim.4:7) ati.

Paul hi abimun chu lhunga ahitai. Sopiteho, kahin tepna nompentah chu ahileh nangma jong hiche abimun nalhun ding chule tonsotna Christa toh nachen khom'a Vangam nalut ding chu ahi.

2. KICHEP GOLSEH NA-A HI DISCIPLINE ANGAJIE:

Thase deh duh a hinkho manpum'a koimacha Champion hi-ngailou ahi. Boxing kichem khat chu kisuhna ring sunga alut masanga phat sottah training abol ngai ahi. Koitobang kichepna-a ahatpen/goal medal asan nomleh atahsaho chu amankhel lou ding; Discipline neitah-a hingding ahi. Christa toh gal joukhom ihinom'u leh Christian mithisa hilou ding ahi. Jona changho khu kichepna mun (field) a akichep tenguleh athepna pen pen apohdoh-uva kichemjio ahi. Jesun aseina-a chun, Koi hijong leh kanung eijui nom'a chun ama kingaitom henlang athingpel kiput hen, ati. Eima kingaitomna ngai ahi. Ajeh chu eima (self) kiti hi Christa neina dinga adaltan lenpen tah-

a pang ahi. St. Paul chun - Kati hi kachup kachup'a kathu-a kanun sahji ahi, ati (1 Cor.9:27). Atahsa hi phatseh-a training aboljing ahi ti akimudoh theije. Hiche hin avet-sah chu, amahin alunghanna, athangtomna ho chule tahsa-a aduchat, angaichat ho jouse chu Pakai thununna noijah akoi soh keijin ahi.

Disciple ti thuchenghi discipline tina ahibouve. Christa seijui dihtah ihina diuva hi ihinkhouva discipline dimsetna ihin dingu ahi.

3. KICHEP GOLSEH HIN DAAN JUI (RULE) ANEIJJE:

Kichepna Game jouse hin daan jui (rules) aneicheh in ahi. Paul chun, "Golseh kitetna jenga jong khat touvin gol jona dingin kihabolna ma jongleh dan ngaitah-a abollou leh Lallukhuh akhuh jipoi, ati (2 Tim.2:4)

Vetsahna ding - 2008 Olympic chun India numei khat Longjump a attempt 3 vei chan geija line atoh khah jing jeh in disqualified ahin imacha ahitapoi. Hijeh-a chu kichepna game jouse dinga daan jui bu (rule book) um ahi. Ahileh hinkho danjui chu itobang hitan tem ? Bible hi danjuibu ahi. Bible sim jingin mitamtah in Bible danjui ipaimangun eiho semthu danho inop chabep in ijuijin ahi. Kipaman sanna dinga adan thupeh ho phatah-a juija nitding chu athupi pen le akhoh pen tah chu ahi.

4. KICHEP GOLSEH HIN ALANG (OPPONENT) KITETPI ANEIJJE:

Football kichepna-a khu side ni uma side langkhatna Team khat panga alanga team khatma pang ahi. Hiche game ajona dinga chu akicheppi langpa ajo ngai ahi. Lhagao hinkho-a jong eihon kitetpi ineiju ahi. Bible in, van-noija aumin tahsaphe jong aume, ati. Chule setna thil phalou (devil) aume ati. Amaho jouse chu nadou-u ahi. Hijeh chun Christa angunga kipelut un ati. I-lhagao hinkhouva ikidoupiu setna hohi iti ikimaitoupiuva ithoh jou diu ham ? Setna hohi ijamsan uva idalhah diu ahi. Tahsaphe chu Cross-a ikhetbeh diu ahi.

5. KICHEP GOLSEH HIN KIPAMAN ANEIJJE:

World Olympic ho chule World Cup hoa chun ahatpen ho chu kipaman or hatman in Medal asang jiuvin ahi. 2014 World Cup Prize Money ho chu:

- 1) Champion \$ 35. million
- 2) Runners \$ 25. million
- 3) Third \$ 22. million
- 4) Fourth \$ 20. million
- 5) Loser (Quarter) \$ 18. million

Hiche kipaman asan tengu leh akipa behseh jeh ham chun akaploi, akichomloi, alamloi jong aumjin ahi. 1 Cor.9:24-25 sunga chun, "Lhaitet Golseh na a khu mijouse lhaicheh jia ahi ...ahin eiho vang lallukhuh lo-a ihiove ati. Christian te kipaman san

dinghi tonsot na kemmang theilou Lallukhuh chu ahi. Leisetna kemmang thei Medal sangho bon hibang tah-a akip-aova ahileh Vanna pa kom'a sanding vang hi iti kipa thanop umding hitam ti hi igel teng leh, ngalel umtah chu ahi. Ahin hiche kipaman sang ding ho chu koiho tobang ham iti leh, Christa-a hinna dihtah neija, ama a dinga thichan geija panga tonggim ho, kiphah thengho chuleh thoh hahsa thoh ho chu ahiove. Hijeh chun eiho jong vanna Lallukhuh santhei na dingin hattah in lhaiyu hite.

Conclusion:

Sopite abimun della ikilhaitetna uvah koitobang onghom lai jon'a lhai i-um khah diu tijat aume. Heb.4:1 sung ven. Abimun lhun tokah-a pontho tah-a lhaidin ikitem'uve.

Asim jouse Pathen in phatthei boh taken. Amen.



Admission Bolpan Thei Ahitai

Program

B.Th (English)

**Course Duration: 3 Years (4
Years for Class 10 Passed)**

**Qualification: 10+2 and
equivalent**

Het dinga Pha

- 1. First batch ading mi 20 bou kila ding.**
- 2. Numei le pasal hostel achom chom a umding**
- 3. Mess ahoitheipen le aphapen a kibol ding**
- 4. Tuition fee alhom theipen kila ding**
- 5. ATA system kijui ding ahi**

Hetbe nom neihon anoiya hi contact thei ahi

Rev. (Dr.) Paolen Haokip


Academic Dean

Phone: 8730030284

Christian Sumkolvei

*Rev. Tongmang Haokip
Pastor c/c canaan veng Imphal.*

Matthew 21:11-17 & Acts 1:16-20.



Christain sumkol vei kitih christain jousen sum holding tina ahi-deh poi, ahila tulaijin christain alamlouva sumkolvei jong aumda dehpoi, hiche sumdih lou, hochu christain hinkho ahinsuh lam-dang ding ahi, ajehchu asum dihlou atheng lou chun christa toh ahin kidousah ding ahi, ahinla Christain hole Houbung jouse chu aboiding ahi, tina jong ahideh poi, Christain ho jong chu sum um-louvin pakai Lenggamna akitong theipoi sumhin vannoi leisetna thuneina anei lkeh jengin, akilangin ahi. Tulaijin mijousen alung thim sunga sum sum ativin, amanga sum simma atah a la emacha neilou jong adim in, chule alung thimma sumtam tah neiding kigonga atah a la neilou jong adimset in ahi. Mihem in sum angailut valbeh set phatle chonsetna jong emacha kichatna aneipon, alung gilsunga sumbo achen in abusa den jitai.

1. Pakai Jesu seijua pang Juda khonungin achonsetna akisih lscarot jong chun sum ngai-vangin avaigei phat in amad-lutna jal in, alam loubihin sum-ing akisihna jong aphachom ngailutna in apakaipa dangka tapoi, a sum jengjong seijuiho somthum in anakijoh doh in, kengbula ahin choijin, avaigei

phat in aphachom tapoi, sumin achonsetna in atumpi apohehsah in, thinan aneilo tai. Pathen thuthengin min van- noi leiset pumpi nei henlang ahina chantale epi phachom ding ham? atibangin Juda Isk- adot ding in dangka somthum jong aphachom tapoi, hibong chun tulai tahsen chate ehola- hajong aumkhah dinghi tijatle kichat umpen khat ahi. Ajehchu vetsahna in tulai jin, sumholna jatchom choma esumholna hohi Jesu lunglhai ding hinam? theng ding hinam? Karbal nabolna, nasum holna, nalou majanga, Office a esumlona aboncha, sumkol veinahohi jesu lung lhai ding hinam ajole Juda Iskarot banga kisihna um- kha ding ham? khonungle kisih jongle phat geisang khaget in- nate tuhi kigel chet phat chule lung khel phat ahi. Pakaija sopi ngaithah nasum holna nakarbal bolna a Jesu toh nasukhen thei, nakipasah theilou, lung oina umthei lou nanei khahle hichu dalha jengin, pathen in nalam- pi ding hingongante, nangma changing housatna dingle min thenna dig gennan Jesun dal- han karbal sumle pai lahthei chan lahding gel louvin Jesu lam katjing in kahin teme, ajeh chu Peter jankho vah helin Jesu pang louvin Lensep in ngaman dingin anakigongin aphacho

poi, Jesu alung lhai loule dan- gka ejat nei jongle chun boinale tonsot damun najotpile epipha chomding ham? pathen lungl- hainahi Lhagaole tahsa dam- nale phatthei boh channa ahi.

2. Pakai Jesu leija analen lai- jin, Jerusalem Hou Inn chu vedingin sangan nou chung- katna loupitah in atouvin, mi- pin anung amaa Hosana pakai minna hungpa chu anunnome chung nung penna Hosana tin asamuve, Jerusalem agalu- tin ahile amalung geltoh kitoh loutah, in kivaipohna anaum in, ama ama phatchom nadingin, sumkol anavei tave, kumkol veiho, vapal johho, sumlheng- ho, chungalung ahangin, ale- khup piuvin, ka Inn chu namtin dinga taona Inn kiti ding ahi, ahin nanghon gucha michom kokhuh in nasem taove ati. Je- rusale Hou Inn bangin tulai tah- sen chate kiloikhomna hou Inn/ houbunggho jong akivetle Jesu lunglhai ding hinam? Houbung sung kivaipohnale kilam kain- aho jonghi, Jesu lunglheinale lungdei lam epiham tigel- sangin, eima eima lunggel suh- bulhit nale eimalung tupmolso dingin, bolthei ding kichunale thunei ding vaihom ding ei- malung gelcheha kilam kai din- gin mitin lungsung alodim in ahi. Hou Inn ahiloule Houbung kiloikhomnahi Jesu in hungve

henlang hile epithu aseidem alung lhaina dem? houbung lamkaiho kipa aume atina dem? houbung mipiho kipa aume atina dem? Pastor pa kalung alhei lleh jenge atina dem? Jesu lunglhai ding nadeijem? nangma lung lhai ding nadeijem? Jesu lam evet dinggu ham ? mihem mai evet dinggu ham? ahiloule pathen mai velouva eiho mai ekivetto joh dinggu hitam? Jerusalem ma chun, milen mineo Gentile, Thempu, Judate, Numei, kikhenna anaum in, hibangchun, tulai Houbung abangkhat na jong nangho, keiho tin, kikhenna aumjin, hiteng chule pathen lhagaovin Houbung sunga na atong thei jitapoi, pakai angunga vang milen mineo, nangho keiho tin, khenna vang aumtaponte, houbung sunga jong kei, nangho tilouva kidet khena umlouna houbung chu lhagao thengin vaihom intin, chamnale kingai lutna halna pungjing ding ahi.

3. Jesu Jerualem ma anen aboh adeilou jouse chu suhtheng thei chan chu anasu thengin

ahi. Tahsen chatehohi pakaijin thenna hinkho mangding eideijuve, nahinkho sunga natahsa chungathenglou anen abeleh naloi nagol masanga jumna namubanga christa a thenna nanei loule pakai angunga maimohna namuding ahi, ajehchu pathen chu atheng ahi. Pakaija sopi ngaitah nalung sung Jerusalem, chu epi suhtheng ding nanei nahlaijem? nalung geltheng hinam? naneh nadontheng hinam? nathuseiho theng hinam? nahin kho man dantheng hinam, suhthengding nanei khahle

Jesun Jerusalem ashutheng bangin nangman jong pakai mina nasutheng dingin, pakai min temna kahin neije. Pakai Jesun Jerusalem asuhtheng bangin nangjong kisu thengin, lang hile chun, christa a hagenaga ding ahi, ajehchu Jesun agatheilou changes chu kapan amilngam jin, chule agachengse chu hagan agajitai ati, hibangchun, christa jallin, kimalngam dingle kisutheng dingle thengim dingin pakai min in temna kahin neije.



Mission Column

SEA MISSIONARY KHAT INEI BE TAOVE.

Achesa 30th March 2017 nichun Mission and Evangelism Board meeting kilolnadungjui-jin SEA Mission Policy noijsa Ms Ruby Henneivah Haokip w/o Missionary Letminthang



Haokip chu 10th April nichun interview anakibol in ajito kithoa China gamma Missionary din kilungtohtah in phatsahnaakineitai. Ama document le certificate hochu

- i) M.A English 1st Class
- ii) Teaching English to Speakers of other Languages (TESOL)
- iii) DTS Chennai T.N. Youth With A Mission (YWAM)

Hito chun kilhonin Rev Ngamjapao Haokip General Secretary KBC in C/Church Molnoi Area Gambih No 16 a 30th April (Sunday) nin missionary khat hina phondoh nale thensona ananei tan ahi.

Amahi tua pat ajipa Missionary Letminthang Haokip toh China gamma KBC missionary na anupa hon a agatoh honding ahitai, Alohin thei nahondin itaonaova geldoh jingu hite.

MANIPUR GURKHALI MISSION FIELD SEVEN DAYS MISSION PROGRAMME



Songphel khovela um isopiu Gurkhali holaha Pathen natoh ding hi khomite lunggel le tohgon khatchu anahi jing e. cheto kilhon chun anachesa 17-22nd March 2017 ni sungchun Manipur a KBC in Gurkhali Missionary ineihou Rev. Jeeten Gajmer lamkai nan Pa-

then thupha haptakhat sung ahungseipeh un ahile agama cheng Gurkhali hon nasatah in lunglutna le kipana anei un Pathen thangvah in umhen. Hiche tohgong chelhahna ding a Gambih Pastor Rev. Jangkholen Haokip chung a kipathu akiseijin chule ahung kalsonga Missionary hojouse chung a jong Pakai minin kipathu kahin seijin amaho jouse jalllin Pathen kathangvah e.

Maban a jong hitabang tohgong kineijing nalai ahijall in muntinna um houbung miten ichenkhompiu Gurkhali hon Pathen ahin het uva huhhingna hongsung a ahunglut theina diuvin taonan kop jing uhite.

Pakai Lhacha

Shongam Haokip

Secretary, Songphel Baptist Church KBC No 2.

GOOD FRIDAY AND EASTER SUNDAY 2017. PANGJANG BAPTIST CHURCH, GAMBIH NO 3



Christian chatejousen nikho thupi penkhat a ineiu Good Friday le Easter Sunday, Jesu Christa eiho ngailut jalla ahinnato a cross chung a ahungthina le Thinagal jouva avella thikit taloudia athokitna nikho nit nachu April 14-16 nichun houbung jousen kipah tah in anakimang tan ahi. Baptist Church Pangjang a Rev. Henjalen Doun-gel Mission & Evangelism Secretary Speaker hinanan akimang in hito Ihonchun **Tahsan Tuilutna** jong nungah gollhang mi 12 in ananeijun ahi.

Hitabang a muntinna houbung jousen hiche nikhotheng boil-ouhella ina man theiuva Baptism programme houbung tamtah in ahinbol akon Convention Baptist member tampi akibe ding tah-sanjong aume. Hiche nikho loup i boina umlouhella houbung jous-en init theitah jehun Pathen thangvah in umhen.

KBC MYANMAR TETOH KIMUTONA



Achesanisim 3 April nichun KUKI BAPTIST CHURCHES MYANMAR lamkai hotoh Moreh Baptist Church KBC No 15 munna kimutona anakineijin ahi. Hiche meeting a chun mabana mission natoh khomding dan seikhomna akineijin ahi. Hiachun Myanmar langakon KCBA Executive Secretary Rev Letkthothang, Mission Secretary Rev Lunpumthang, Rev Jangmang, Rev Thenkholet chule Rev Jamkholun ahung pang un chule KBC langa kon PuJamkthothang Haokip lamkainan Mission Secretary Board member Pa Haopu Singsit, Board V/Chairman Pa Lhunthang Mate agakichen maban a natohkhom ding ho seikhomna agakineijin ahi.

FRIENDLY VISIT.

Achesa 12th August 2017 nichun Rev. Dr GinNeiThang Ngaihte senior Consultant OMF NEW HORIZONS in ngailutjala eihung vil



jalun achunga kipathu isei uve. Aman aseina a NEW HORIZONS in aboi pi chu Asia gamma missionary tamtah Pathen na tongdinga hung luta kumphabep joule aboipi ding umlouva inlanga kile ding

jong hitheilou umden ding jong hitheiloutampi NEW HORIZONS in aboi pi danthu aseijin ahi. KBC in hiche ministry to kihoukhom kit a nikhat le Pathen phasah ahileh MOU sign bolkhom nadia kijah to kit ding in pha akisan ahi. Pathen in amaleainsungmi chule anatohna organisation phatheibohjing taken.

ELIJAH TAONA MOUL A CABIN KHAT KITHEN SO

Achesa 20th April 2017 nichun KBC in Taona Moul inei sunnu Elijah Taonamoul a pu Rev Mangneo Haokip Youth With A Mission (YWAM) a Pathen natong tuletua Agartala Tripura a School min-



istry bollaijin Apalen le Apa hetjingna chule tua adamjing nalai Anu angailut hetjingna dinga asah taona inn chu Rev. Henjalen Dounge Mission Secretary kinthempu hin Pathen hingjing minin kot honna le thenso na anakinei tai. Hiche Taona inn hi mijousen Pathen henga kilhainale taona muna aneija Lhagao a hatlou ten hatdohna aneija Pathen henga ngaichat neijousen Pathen to ki-houmatna taona muna aneiding chule Lhagao tampi kisemphat namun dingin thensona anakinei ahi. Lhagao mangthai ding gelkhohna neija asumle pai iit louva Pathen natoh nadinga hinphal doh innsung mite chunga kipathu Mission Board in akiseijin mailamma Pathenin phatthei boh jing taohen.

THUMVEI CHANNA GAMBIH NO 13 NUTE ANNGOL TAONA LOLHING TAH A KICHAITA

Achesa nisim som le giet (18), March, 2017 nikho'n Tujang Baptist Church mun ah Gambih No. 13 nute'n thumvei channa anngol taona ana kimang in ahi. Gambih Pastor Khupjoyful Singson speaker in apang in, mi 90 vel pan lah nan lolhing tah in ana kimang chai tai. Pathen chu thangvah in um jing taken.

Neichong Haokip (Chairperson KBC NO. 13)

Nemhoi Singsit (Secy. KBC NO.13)

TAONAN GEL DOH U HITE

1. Mr Chanminthang Singsit le Grasilda Marak in Christa akisan honin 10/03/2017 nin Baptist achang hon tan tahsan naa ak- ingap det jou jing hon nadin taokop u hite.

-Athang Sherto Hojai.

2. Shantipur Fellowship ahinabang in houkhomna aumthei poi, Taonan geldoh u te

-Evan. Dick Bahadur, Kanglatongbi

3. Hindu sakho a kon mi ni Moreh Hindi Church a Baptist achang hon tai, taonan del jing u te.

-Pastor Mohanlal ,Moreh Hindi Church

4. Th.Amos le L.Echanbi chule Lamnthoi hi tahsan thah ahiutoh lhonin tu nailamcha chun Baptist achang taove.Itaonao va gel- doh ute.

Evan Th.Premeshore, Ukhongsang

5. Imphal Checkon a kikhop nading inthah hondi katiovin tohdoh a aumthei nadin taokop ute.

Pastor A.Sen Meitei Tribal Colony

6. Moreh Meitei Baptist Church a Tahsana hong sung a hung lut nom mi aume. Taokop jing ute.

Evan.Manglemba, Moreh

7. Mr M. Amar and family hi tahsan thah hung lut ahiu vin adindet jing jou nadiu vin taonan geldoh jing u te.

Evan Z.Khupthang, Pukhao

8. Leikinthabi Church a tahsan thah 5 in baptist alataove, taonan geldoh jing ute.

-Pastor W. Loken

9. Sugunu Church quarter le Toilet sahdo a aumnading chule Sugunu Meitei Baptist church apilhin thei nading in taonan geldoh jing u te.

- Evan. M. Haridahs Meitei. Sugunu Meitei field.

FOREIGN GAM A CHRISTIAN SUH GENTHEI A UM

HO DING A TAONA NGAICHAT

1. NIGERIA A UM CHRISTIAN TEN ITAONAO NGAICHAJING

Houjeha kithisan sonale kitha na tuni chan a Nigeria gamma asoh jing nalai je. Khopi tampi akisuse tan chenna inn thupi tah, School le Houinn tampi akihal lhan chule mithilong keija ahi tingam louva kilah ngamlouva vuilouva loujaova monden jong aumtai.

Boko Haran hon numei chapang athat un Rape abolun chapang tampi amanun pohnat umtah chu abonuva Islam hisah teiding dei-
jeh a kibol ngen ahi. Agam miten itaonao angaichao ve.

2. VIETNAM SAH CHUNG LAM GAMA CHRISTIAN HO AKISUG- ENTHEI JINGE.

Khanh kiti pa hi Christian ahijeh in 29th March nichun asopipatah in anavon aluchang le akenga maha anapun thisan naisan pumin anaum in ahi.

Khanh le ajinu chule achanu hi Christian ahung hinao lhang bou hinalai ahi. Pathen houdang hotoh houkhom na a hung pang khom jing uva ahin 28 March nichun khosung Lamkai hon Khanh chun a Pathen hou angah lou le Government langa kona kithopina amu Hospital a kijen na, chule achanu lekhasimna chu kilamang ding chule khosung jong adalhah diu va thupeh anei u ahi.

Anilhah a chu aupahi hunga thupeh chu ajui dinga ahung jol le Khanh anop lou phat a anavoh lo ahi.

Tuhin Khanh le ainsung mite hi Pastor pa inn a aumun ahi. Hi-tabang thoh genthei na thoh a milah a kiphong doh lou tampi aume Pathen henga taokop jingo hite.

3. SRI LANKA A PASTOR KHAT AKISUGENTJHEI KIT E.

Gang mi 50 tabang Buddhist Monk jaonan Christian Fellowship Church Ingriya, Sri Lanka gama 26 (Sunday morning) pathen houkhom pet chun ananokhum un ahi.

Amahon hitabang a Pathen houkhom na chu nabolkit thei lou diu ahi atiu vin ahi. Hiche houkhom na sunga hung pang Christian jouse chu amin u ala un Ipi dinga hitia hi nakikhop jiu ham tin adong un ahile amahon Houina kahung a taona Kaman jallu va kadammo nao akon kadam doh jiu ahi tin adon but un ahi.

Houbung mi khat chun police akouvin ahile ahung lhunin ipi dinga mipi chamna nasuh boiu ham tin Christian ho chu amoso kit in ahi. Ahinkho lahdinga gihna aneitah jeh un Pastor pa chu akisel doh sah taovin ahi. Ahin ajinuvang mipi chutoh apang khomjing e. Taonan geldoh jing ute.

4. PAKISTAN:

Aasia Bibi kiti nu hi Christa tahsan na a ding det jing Pakistan numei ahi. Amanuhin anatoh khompi numei khat donding tui apeh leh numei nu chun Christian numeikhat in athamkhah tui chu atheng lou ahitai atia ngohna aneija Islam a lelut kit dia atemule anop lou jeh a Muslim hou noise ahi tia aphonkhum uva kumsagi lang hi songkul sunga hung kikhum ahitai. Amanuhi thading laha jao anahitan ahin court a appeal abol jeha lhagup tabang hi hung kivochon ahi. Itiham a court in amahi khailih dinga thulhuh na ahinnei le amahi Paskistan numei Christian hijeha kikhailih masapen hung hiding ahi. Taonan gel doh jing u te.

Rev Henjalen Doungel
Secretary
Mission & Evangelism KBC

ARUNACHAL PRADESH A KBC MISSIONARY

Pr NABIN HOUDANTHENG A JINEITA

Achesa 29th April nichun Pastor Nabin Narjinary chu dam-sunga inchen asemkhompi ding le Pathen na atohkom pi-din Nungah Greycy Lepcha, Bom church Kalimpong toh Pa-then houdan thengin Rev Salon Karthak in kikhut suisah na ananeitan ahi.



Amahi tule tua Arunachal gama dinga KBC mission field supervisor ahin kum 2016 February lhaa chu ajingaitah Ms Nengneilam Haokip Narjinary in tahsa dammo jalla anadal-hah anahi. Chanu Deborah toh anutoh tunichana hi hung chengkhom jing ahiuvn Jipuldou lunghemna milnadingle Pathen na hattaha tohthei nadinga Ji hi anei ahi.

Aman hitabang tohgon ahin neina ahin KBC Mission office dohnale phalna ahin thumin kivaihomna jabolna anei akiki-pa pin Mission Board in hetpeh na kinei ahi tijong iseido-h nom uve. Ajitoh lungmong lhamonga hinkholhingset na Pa-then na ahintoh jou hon nadingle amopoh na hona lolhinna anei thei lhon nading in taonan geldoh jing ute.

Rev Henjalen Dounge
Secretary
Mission & Evangelism KBC.

MEN COLUMN

Men Work Committee Tour leh Seminar lolhingtah'a Kichaita

KBC Men Work Committee in 28-30 April, 2017 sungin Gambih No.9 Tour akibollin, Pathen lungset in damsellin akichai theijin Pathen kathangvah'e. Gambih No.9 Pastor Thangtinlal Haokip leh atoh-khompi Gambih lamkaiho/Houbung mite ho in ngailutna neitah a Pakai jalla eikhohsah jeh uvin amaho chungu kipathu seijoulou akiphonge.

Seminar 29 April 2017 nin C/C Hill Town munna akibollin, Gambih No.9 sung a Pate 60 vel ahunglauvin ahi. Chule Resource person

- 1) Rev. Dr. Thangboi Chongloi, C/C Tuibuong Pastor
- 2) Pu Lienboi Singsit, President Men Department, KBC
- 3) Rev. Kaikam Chongloi, Secretary Men Department, KBC

cheng apanguvin lolhingtah in akichai tan ahi. Seminar a kisei thupi pen "Paten Pathen songpum'a Inchen khosah sep ding, leh Men Department khantou machal theina ding ahipenne".

One Day Seminar On Socio-Economic Through Holistic Approach

Kuki Baptist Convention, Men Department Tohgonna noija One Day



Seminar On Socio-Economic Through Holistic Approach ti thupi mangchan Centre Church, New Lambulane munnah lolhingtah in chai ahitai.

Resource Person a hungpangho :

1. Rev. L. Dino Touthang
2. Pu Sem Haokip, Edify North East India
3. Pu Tongkhomang Haokip, Managing Director SPTWD.

Deligate 140 tobangin pan ahungla in Lamkai le Member ahung jouse nachung cheh uvah kipa thu ahung kiphongin ahi. Neh leh chah sem'a pang New Lambulane Centre Church te chungah jong seijoulou kipathu ahung kiphongin ahi.

Pathenin Convention Men Department phatthei boh jing taken.

Rev. Kamboi Chongoi, Secretary, Men Department, KBC.

KIPA THUPHON



Men Department No. 6 (Tuilang Area) tohgonna noiya Men Seminar chu Kotlen Community Hall a nisim 17April nikho in mipa cheh 110 tabang kikhom in lolhingtah in akichelhan, "Christian insunga Pate mopoh" naleh "KBC Pate Khantou machal na ding" ti thupi mangchan Rev. Dr. Letkthothang Haokip leh Rev. Kamboi Chongloi in Gambih sunga Pate ho tilkhon naleh hilna einei un ahi.

Dr. Nengboi Haokip le Pu Lenboi President Men Dept. in jong eihung vil uva Thoukang a kon natna ho a kiven ding dan kicheh tah in eihil uvin, Kotlen Houbung in neh le chah phatah eigonpeh un chuleh ahung kikhom Pate ho jouse chungah Gambih Pate ho jouse thal-heng in kipa thu kahin thot e.

Kakipah e Pathen KBC Men Department mapui jing taken.

Tongminthang Kipgen, Secretary Men Dept. KBC No.6

Women Column

Joint Meeting with Prescilla Centre

Gawahati,

on 4th April, 2017 at Lydia Resource Centre.

Pi Akung Rongmei Director Prescilla Centre le Pi Christy Vashum Manipur Centre ho Incharge nu to KBC Women Work Committee For group photo ho **4th April, 2017** nin Joint Meeting akinei khomin, kumthum sunga na akito khom na dinga het thei lou ho hilchet na le maban a iti kitohkhom la machal na um thei dingham ti ho seikhom na akineijin, tuni chan geija Prescilla ten KBC Nute ahin kitho pinao thil le lo ho chohna jouse pumin agomin Rs 2,,49,000/- (Rupees two lakhs fourty nine thausand) only ahitan, hiche a kilam doh thil le lo ho jouse vetchil na jong akineijin ahi.

Pathen in toh khompi dinga Prescilla Centre Gawahati te eipeh jeh un Amintheng thangvah le vahchoijin um jing taken.



LYDIA RESOURCE CENTRE

LYDIA NIKHO THUA HETSAH NA

Muntin'a KBC Houbung mite ho jouse henga hetsah le tiemna, ahung lhung ding 28th May 2017 Sunday nikho hi Events dungjuja Lydia nikho taona le thilpeh nikho hung hiding ahitan, hijeh chun Houbung mite hon KBC Nuten tohgon lenpen khat a kinei hiche Lydia hi tu tu hin Numei chapang simlai ho a dingin Boarding Common Mess akibol in 2016 March lha ana kiphut doh ahivangin kumlung keijin Student mi 10 ana umin, tukum jong Student tamtah in lungmong tah a lekha simna dinga ahin jot kit theina dingun nule paten ichateu Lamka khopi sunga lekhasim numei chapang umna ding boi hon nahin jot cheh diuvin jong kahung tao uve. Chugoh hilouvin Ponkhon Training bol mi 10 jong aumuvn, tukum a kipat kumthum sunga dingin Prescilla Centre Gu-

wahati tetoh kinop tona sign (MOU) akineijin Pathen lungset na alohing jing theina ding in taona akingaichen, Achainan Plot man jong tukum pehchai tei ding ti Assembly ki noptona ahin Rs 35 Lakhs bat ana um chu Pathen lungset in tuni chan gei hin Rs 15 Lakhs bou aumtan aphatcha kipeh theng theina dingin nataonao le nathilpeh u ngaichai ahijenge. Pathenin KBC Houbung mithengte jouse phatthei bohjing taken.

Pakai lhacha,
Lhingjanem Haokip
Secretary, Wommen Dept,



**WORKING WOMEN
HOSTEL**

HOSTEL SEAT 8 ONG

SEAT AVAILABLE	8
FORM MAN	Rs. 100/-
FORM KIHOM PAT NA DING	1ST JUNE 2017
LAST DATE OF SUBMISSION	15TH JUNE 2017
FORM LIMIT	15 FORMS
AMUNA DING	HOSTEL WARDEN
	CONTACT : 8415971457

REQUIREMENTS/ ANGAICHA DING HO

1. PASTOR RECOMMENDATION
2. DOCTOR CERTIFICATE

LYDIA GIRLS BOARDING



Lamka khopi sung a Numei chapang
lekhasim ho pansat na ding a kilem tah
mun

LYDIA GIRLS BOARDING,
HMARVENG,
CHURACHANDPUR.

Jing kah nilhah a Pathen thua kipuna
chuleh themjil na lam kitup tah a kivesui
ahin Common mess, Warden kitup tah
kikoi ahi.

Admission Fee - Rs. 1000/-
Mess Fee - Rs. 3500/- per month

Contact No. 8119030725

BIBLE QUEST 2017

Muntin'a houbung mite henga hetsah nom chu ahileh, KBC Youth Department tohgonna noiya kumseh a kiboljing Bible Quest hi tukum jong Pathen in pha asahleh bolkit ding in kigontupna aumpan kittai. Hiejeh chun koi hileh apang nom chan chu koi houbung koi kiloikhomna kitilouva pangthei ahijeh in tukum jong thanom tah'a pan ina lakhom kit diuva temna kahin nei ahi.

Hitoh Ihon chun Gamkai/Gambih sunga KBC Youth Lamkai ho mopohna lhingset kipeding ahin, chuleh Application form jong amaho kithotna amahokom'a kon'a houbung tin hihen changval hijongleh kilah jengthei ahiloule amahon ahin thot jeng thei u ahi. Chuban'ah Exam mun ding jeng jong eima deina mun, igamkai toh kinai exam center munkhat penpen a ibol jeng thei diuva gontup hiding ahi.

Hitoh Ihon chun BQ 2017 Poster le Application form ahung kithot doh pantan ahi. Muntin, Houbung tin le lamlhong tin'a japi hetna aumna dinga BQ poster hi ina tahdoh sohkei diuva jong temna ikinei uve. Gambih sunga youth lamkai ho kom'a Application form hi dangka 20/- peh'a kilah jengthei ahi.

Anoija banghin BQ 2017 gontupna phabep kahin tahlange.

- Kitetna ding Bible mun: Thuhilpa le Isaiah
- Kitetna ding nikho: 8th October 2017, Sunday
- Thudoh umding dan: Adihpen lhendohte le Adih-e/Adihpoi seiding
- Lolhin man: First – Dk.10000/- Second – Dk. 5000/- Third – Dk. 3000/- Memento khatcheh in ajuithading, chule Mi 10 Cosolation prize kipeding.
- Apangtheiho: Houbung khentum umlou anomchan pangthei.

FLEX PRINTING MACHINE

Lamdoh a um'a natohjong kipanta

KBC Youth Department in ahin boipi jing Banner print nadinga Flex Printing Machine chu chohdoh in aumtan, chukey hilouvin manpat theijin akikoi tai. Hiche lamdohna dinga Nulepa Pilepu Nungah-gollhang chuleh Houbung phabep in jong hatah a pan ana lahna chungah kipana seijoulou akiphong in ahi. KBC khonung ding kigella thilphachom ahunghi ding galdot pum'a hahlleh jongleh hiche machine hi ana kitup ahi. Houbung mite panglou hileh lamdoh jou hiponte. Ahun lhun nikho chun Centre Church New Lambulane youth ten jong gari sunga kon'a ana doplah uva, akikoina ding mun'a kituptah ah ana koilut un, amaho chungah kipathu sangtah akiphong. Hiche ban chun Machine ahunglhun'a pat chun niseh leh akikoina ding mun semtupna natoh ahung kipan in hiche natonga hungkalsong KBC youth jouse chungah jong kipa thu akiphong. Natoh sunga natongho nehding le donding ana podohho chungah jong kipana sangtah akiphong kitne.



Hito lhon chun achesa nisim 25th March 2017 nikho chun Rev. Ngam-japao Haokip, General Secretary, KBC in jong hiche Flex Machine chu Pathen min in thensona ana neitan ahi. Akithenso nikho a kipatchun natoh jong akipan ngaltan tunichan in natoh achaljingin Pathen thangvahna ipeuvin ahi.

Gamtin le muntin'a Houbung mite kom'a temnomna pen tah chu ahileh Insung kin hihen, Khosung kin hihen, changval kin hihen Houbung kin hijongleh, Banner ngaichatna aumteng leh eiho manchah dinga kicho hiche Flex Machine a hi i-kiprint chehdiuva temna le ngehna sangpen ikinei uvin ahi.

Anoija hin hetdia thupi phabep kahin tahlange.

- Banner jouse ideidei size a print thei ahitai.
- Gal a kon a jong phone a kijahto a order thei ahi.
- Mundanga sanga manlhomjo a kibolnalai ding ahi.
- Print ding sa'a jong mail a hinthot thei ahi.
- Mundang jot sangin eiho kom hinjon cheh ute.

Kijahmat nading:

KBC Youth Secretary: +91-7005334994

Flex a natong – M. John: + 91-7085478231

e-mail : kbcflecprinting2017@gmail.com

YOUTH LEADERS SEMINAR Lohingtah'a Kichaita

KBC Youth Department tohgonna noiya Youth Leaders Seminar chu achesa nisim 21st April 2017, Friday nikho chun KBC Centre Church Langol mun'ah chajin ana umtan ahi.



Hiche kin nikho chun Rev. Dino L. Touthang, Compassion International a Pathen na anatong chun Seminar class analan, ama a kon chun Daniel hinkho a kon'a Spiritual Formation chungchang aseijin, kitilkhouna theitah le mopohna neipum pum a Pathen a lamjan dingdan, natoh lentah tah kinei jengjong leh Pathen a kihetchetna neipum'a natoh ding athupidan le Christian khat lamkai khat in anatohna a amihina, tahsan cha ahina, Christian ahina apohdoh dingdan chungchang ah tilkhouna aneijin ahi. Ahung jousen lunglut tah in pan alauvin, thahnom tah in akichai kah in pontho tah in pan ana lauvina ahi.

Hito Ihon chun Seminar nikho chun Quest Artiste a dingin Ng. Nengpilhing Haokip, Zaithem 2016 in Pathen vahchoina la ngeitahtah eina sahdoh peh un, chuleh Youth Work Committee hoa kon' in jong houlimna ngeitah tah ana um in ahi. Chuban in Shalom Theological Seminary a Director Pu Rev. Silas Haokip in jong Shalom Theological

Seminary chungchang thu le maban tohgon ho jong tahlangna anei-jin, chuto lhon chun Resource person jong kipa thilpeh ana pen ahi. Gambih Youth lamkai hungkalsong jousen jong nom asalheh un, goledai kal henlang hijongleh thanom tah in akichai geijin pan ana-lauvin ahi. Gambih a houbung tampi a kon'a lamkai ho meljong aki-mun, lum chom akisan thanop aumchom in amaho chung a jong kipana sangtah akineiyin, ahung kalsonnau chu Gambih lamkai ho atosotnau akimube jeh in amaho jallin Pathen thangvahna akipei. Chuban in service bolla jong mi phabep in pan ahunglau vin, atohnau mun cheh ah boi u henlang, sutu mu hahsa hijongleh leh tomngaitah a ahungkal sonnau chungah akikipapi lleh jeng in ahi.

KBC Centre Church Langol houbung in jong ngaichat jouse eiphalpeh uva, chuleh Youth Department, Centre Church Langol honjong tohding jouse atoh uva lolhintah a pan alahnau chung a hin kipana sangtah akineiyin amaho jallin Pathen thangvahna akipen ahi. Pathen in KBC Youth Department mapuina neijing henlang Pathen ngaisahna lam'ah machalna eihin pejing tauhen.

BQ 2017 Exam thua Houbungho Hetsah

KBC Houbung jousea Pastor/Head Deacon hole atohkhompi Board of Deacon jouse kom'a hetsahle temnomna pentah chu ahileh kumseh a KBC Youth Department in ahin boljing Bible Quest hi tukum jong bolkitdinga imajouse gottup ahitah toh lhon in ahung lhung ding nisim 8th October 2017 Sunday nikho nidan 10:30CM – 1:00CN sunga Bible Quiz gelthupi najalla Exam center jousea exam ina bolcheh uva chuleh exam center hilouhon jong hiche nikho gelkhohna jalla Sunday School jong ina olsahsoh diuva Pakai min'a temna le taona kahin nei ahi.

Houbung mite jong tukum Bible Quest a hi atamtheipen'a pan il-acheh diuva jong ngehna kahin neijin ahi. Pathen in BQ 2017 phatle nikho damle bit in eimusah tauhen! Kakipah'e.

Natohkhom piu
Pr. Satminlen Khongsai
Secretary, Youth Department, KBC

Baptist Youth Prayer Fellowship

Lamkai masahon anaphudoh le kumdang a ana kimangjing BYPF tia jong kihe Baptist Youth Prayer Fellowship hi tukum jong ihin chepi jingu mabangun ichepi jing diuva jong temna ikinei kit u ahi. Hito lhon chun ijemtia BYPF bollou i-umkhah uleh tua patna lhaseh a phatah a ihin bolpan tahdiuva temna jong ikinei u ahi.

Hiche BYPF hi lhaseh'a Last Saturday Nilhah leh Youth-te kaikhomna pa khu Taokhomna Kaikhom'a kimangji'a taona ngaichat kiseikhom'a chuleh taona ngaichat hung kitahlang ho jong Pathen anga kigeldoh khom'a hiche nilhah khu taokhomna mongmonga kimangcha dinga ana kigong le ana kichepi jing chu ahi.

Alhangpia hiche nilhah hi houbung jousea lamkaihon itilamdol'a taokhomna agonthei uvem? hiche dungjuia taokhomna chelha dingdol ahi. Ahin hetding khat vangchu hiche nilhah hi alhangpia taokhomna jenga kimangcha ding ahi ti suhmillou helding ahi. Chuleh hiche nilhah sehle hin Tokhomna/Tolom laikhomna jong umjing ding, hiche nilhah a tokhom chu youth fund a dia office lam'a ithah-sohkei diuva jong temna ikineikit u ahi.

May BPYF Taona Item Ho:

1. Gambih jousea youth tohgon jouse lolhin theina ding.
2. Gambih jousea youth member hon thina manna ineina loudi-
uva taoding.
3. Gambih jousea youth work committee ho ding.
4. Gambih jousea youth work committee jousen kilungkhat tah a
Pathen na atohjing thei nading.
5. Centre Church 20 a youth lamkai ho ding.
6. Gambih jousea youth ten sumlepai amuthei nading.
7. Gambih lamkai tohmun tuh natohna neiho jouse ding.
8. Gambih houbung jousea youth lamkai ho jouse ding.
9. Gambih youth lamkai jouse sungleh houbung jousea youth
lamkai jouse sunga halna aumthei nading.
10. Gambih le gambih hihenlang gambih sunga houbung le
houbung kikah hijong leh Youth Exchange Tour neijouse lolh-
inna ding.



SHALOM THEOLOGICAL SEMINARY

**Spring Semester 2017
Lolhintah a ana kibol**

Kumseha nivei ana kibol jing Shalom Theological Seminary noiya C.Th program chu achesa nisim March 13 akon in April 8 chan in C/C Salem Sapormeina muna lolhintah in ana chelha in ahi. Hiche program achun simlai 34 hochu jilkung mi 7 hon kichuhna phatah in ana peuvin ahi. Tuchung in KBC houbung akon bou hilouvin tahsan kibahpi Houbung danga kon in jong simlai 3 ahung jao uvin ahi.

5TH GRADUATION EXERCISE

Shalom Theological Seminary hung kiphudoh akon in nisim 9 April 2017 nikho chun C/C munah Ngavei Channa Graduation Exercise (Soldohna Kin) ana kimangin ahi. Hiche kina chun Rev. Y. Haokip in thuseina ana nei in, Rev.Dr. HawIngam Haokip in soldohna kin ana mange. Simlai graduate hochu



- | | |
|-----------------------|-------------------------|
| 1. Kammang Kipgen | 6. Ngamminlen Haokip |
| 2. Kamtinthang Kipgen | 7. Letminthang Haokip |
| 3. Hemkholam Haokip | 8. Thongminthang Haokip |
| 4. Thangtinlen Haokip | 9. Jangkhohao Haokip |
| 5. Janglal kipgen | 10. Henminlun Haokip |

11. Lunkhosei Haokip
12. Khummang Khongsai
13. Kailenthang Kipgen
14. Lunjagou Kipgen
15. Jamsem Khongsai
16. Sonlet Haokip
17. Letkhogin Kipgen
18. Lhunkholen Kipgen
19. D. Letsei Haokip

20. Gingoumang Kilong
21. Thangboi Haokip
22. Dongkhohen Haokip
23. Thangkai Manlun
24. Nohkholen Haokip
25. Kamkholal Haokip
26. Haoshat Haokip
27. Semtinmang Doungei
28. ST Simon Haokip

ACADEMIC PROFICIENCY AWARD

1. Mr. Ngamminlen Haokip, Zalenbung B/C, No.2 in Subject 13 lah a subject a 9 mark sangpen amutoh kilhon in Academic Proficiency Award ana kisan in ahi.

ZILKUNG HO

- | | |
|----------------------------|------------------------------|
| 1. Rev. Paojangam Haokip | 2. Rev. Lamkeng Lhouvum |
| 3. Rev. Ngulhopao Haokip | 4. Pastor Satminlen Khongsai |
| 5. Pastor paokhohao Haokip | 6. Pastor Onkho Haokip |
| 7. Rev. Silas Jangminlen | |

KITHOPINA HINPE HO

- | | |
|--|---|
| 1. Pu Letkholun Haokip, Everyday Milk Kg.2 | 11. Pu Seiminthang Lupheng, Bonga kg.10 |
| 2. NI. Nemjakhol, Rs.500/- & Apple kg.1 | 12. NI. Hatneilhing Kipgen, Vohsa Kg.3 |
| 3. NI. Nengvah, Rs.200/- | 13. Pu Lienboi Singsit, Rs.500/- |
| 4. NI. Lhingcha, Rs.500/- | 14. Pu Otkhopao Haokip, Rs.500/- |
| 5. Pu Nehlet Haokip, Rs.1000/- | 15. Pu Paoseh Kipgen, Rs.100/- |
| 6. C/C S. Sapormeina Rs.10,000/- | 16. Pu M. Helun, Rs.500/- |
| 7. Pi Boinu Haokip, Rs.2000/- | 17. Pi Boicy Haokip, Rs.3000/- |
| 8. Pu N. Henry Haokip, Rs.2000/- | 18. Bishop Paothang Haokip, Rs.5000/- |
| 9. Ng. Cyneo Haokip, Rs.500/- | 19. Pu Jamsei Haokip, Rs.1000 |
| 10. Gambih No.4, Rs.3000/- | 20. Keithelmanbi B/C No.5, Rs.2000/- |

Lamchom choma kithopina hinpe jouse chung a kipathu sangtah akiseiye. C/C Salem Sapormeina Pastor pa, Deacon Board, chule houbung mite jouse chung a jong kipathu akiphongin, Convention lamkai Pu General Secretary le Pakai Ihacha tokhomp i hon lamchom choma STS support nabolna chung uvah kipathu seijoulou kahin seiye.

Rev. Silas Jangminlen Haokip
Director
Shalom Theological Seminary

MBC COUNCIL LE ASSEMBLY REPORT



Manipur Baptist Convention (MBC) Council le Assembly chu Poumai Naga Baptist Association (PNBA) te Sponsore na in Senapati District sunga Koide Baptist Church munah 25-26 April, 2017 sungin Association 29 kikhopna in lolhing tah in achal lhatan ahi. KBC a konin mi 5 (Rev. Dr. Hawlingam Haokip President, Rev Ngamjapao. Haokip, Gen. Secy, Rev. Henjalen DOUNGEL, Mission Secy, Rev Kamboi Chongloi, Men Secy, Pr. Haoneo Haokip Litt. Secy) in pan agakilan ahi. Tuchung MBC Assembly chu Honorary Officer ho Election phat ahitolhonin KBC a konin anoiya minchong ho jong hi lhendoh ahiuve.

1. Rev. Dr. Hawlingam Haokip, President
2. Rev. Kaikhokam Chongloi, Mission Hospital Com. Member
3. Pr. Henkholen Kipgen, Development & Relief Com. Member
4. Pu Khaijang Haokip, MBC Auditor
5. Rev. Letpu Kipgen, Chairman, Fin & Property Committee

2018 KBC DIAMOND JUBILEE MUN DING VETLHAH NA



1st April 2017 nichun KBC CEC ngansena dungjuijin kum 2018 KBC DIAMOND JUBILEE mun ding in Tui-bong Peace Ground vetlhahna agakinei tai.

Gambih No 8 & 9 gamkai Pastor le Centre Churches Pastor hochule Gambih lamkaiho jaonan agakive khom in mipi kititna ding Hall hihen camp sahna ding hijong le lhingset dingin tahsanna akineijin ahi. KBC Diamond Jubilee hi Mission Focus a bol ding kiti ahi. Mol-soa aumtheina dinga thanomtah a alunggel hinpe Gambih lamkai hochunga kipathu akiseijin chule houbung mite jousen taonan geldohjing ute.

JAN KHOVAH AN NGOL TAO NA KBC 7

Achesa nisim 20th April 2017 ni chun Bethel Prayer Mountain mun'a Gambih No.7 Women Dept. lamkai na noiija Jankhovah An ngol tao-na Pathen lungset in lolhing tah in akiche lhan ahi.

Mi ahung kikhom doh 245 ahin, Tao na lamkai mi 12 ahi. Chuleh Houbung jouse a hung kalsong minute hon Labung khat cheh asao cheh un, Gambih sunga kineppi um mi phabep in jong vah choila eisah peh un ahi.



Tuchung Taokhom na Speaker Rev Lamkeng Lhouvum Gb. Pastor ahin, Nehemiah Thusim a konin Ministry of Tears Thupi mangchan tilkhouna Thu aseije. Pathen in KBC Gambih No.7 phat thei boh jing taken.

Pakaija natoh khompiu

Mrs Lhingkim Haokip
Chairperson, W/ Dept. KBC No. 7

Mrs Nengcha Kipgen
Secy, W/ Dept. KBC No. 7

New Academic Dean



Rev. Paolen Haokip in tuni nisim May 1, 2017 nikhon Shalom Theological Seminary (STS), Academic Dean hina joining report chu KBC General Secretary koma ana pelut tan ahi.

Ama ahung lut a kona STS nasatah a machalna anei ding kinepna len-tah ahi.

Edn. Qualification

1. M. Sc (Psychology) - Madras University
2. BD- Union Biblical Seminary (UBS)
3. M.Th (Theology) - Bishop's College, Kolkata (Senate of Serampore)
4. D.Th - Aizawl Theological College (Senate of Serampore)

Good Friday & Easter Sunday Cum Revival Camp Report

Achesa nisim 13 -16 sungin Loibol Kholen Baptist Church KBC No. 7 a Rev. Lamkeng Lhouvum Pastor No.7 le Ng Lhingjanem Haokip Secretary, Women Department Speaker hina in Pathen mi ngailut. John 3:16 ti thupia mangcha in Good Friday le Easter sung Revival program in akimangin Houbung mipiten Pathen thua nasatah a haldoh na akineiijin, Pathen thangvah aume. Program sung hin tahsan pilhin na Tuilut na mi 4 in aneijun, Pakai anjon jong akineiijin, Pathen kithopina jallin damself in Program nomtah in akichai theijin, chujong le nithum sunga Speaker teni inson tin hihen Department level hijongle Pakai min'a an nehsah jouse chungang jong Houbung thalhengin kipa thu a kiseije.

Pu Thangsei Haokip
Church Secretary.
Loibol B/C KBC No. 7

CONDOLENCE PI NEMNEILHING KILONG



April 16 nilhah in ngailut umtah
Pi Nemeilhing Kilong (23rd

April 1932 – 16th April 2017) in
tahsa hinkho in eina dalha
tauve. April 17 nikho in Pastor
Onkho Haokip in Imphal Chris-
tian cemetery a vuilemna ana
neitai

Pi nemneilhing Kilong hi (L) Lhoukhosei Kilong, ex
KBC Finance secy inneipi ahi



Loibol Baptist Church Gambih No. 7 Revival Camp



Precila Centre Guawahiti leh Women Work Committee Joint Meeting



I-hang vadung a Gampum Baptist Church mi 12 Gambih Pastor in Baptize abolna

Post Regd. MNP/81
Regd No. 18134/88



***Palm Sunday Nikho Convention pumpia akiman to kilhon in
Haokip veng Centre Church in jong kilom tah in ana mang uve***

If undelivered, please return to
The Editor: KBC Thuso
KUKI BAPTIST CONVENTION
Opp. DM College, Imphal - 795 001
Contact: 9862633173

